

La capitala sa prepara per ena festunga

CDM/FMR

Durant en mais, digls 5 da zarcladour anfignen igls 5 da fanadour 2026, vignan spitgias radond 36 000 tiradours e tiradouras e 100 000 visitadras e visitaders ainten la capitala per pigier part alla 59avla Festa da teir federala. Scu chegl tgi igl comite d'organisaziun ò infurmo glindesde ainten ena conferenza da medias, stat l'occurrèenza sot igl motto «Tradiziun e passiu».

Igl center è la nova halla

Sagetto vign tar la festa sen igl Rossboden e sen implants da teir ainten la vischinanza. Igl center dalla festa vign ad esser sen la Obere Au ainten la nova halla d'events, la quala vign construeida igls proxims meis. A caschung dalla conferenza ò detg Martin Candinas, igl president digl comite d'organisaziun e cunsiglier naziunal, tgi chella festa sportiva stetta tenor el exemplaricamaintg «per la coesiu dalla Svizra sur tot las regiuns digl paeis». La 59avla Festa da teir federala ò en budget da radond 14 milliuns francs. Var 8 milliuns da chels costs vignan cuverts, schi participants e participantas paian lour stetgs. Igl ulterior costs vignan generos sur sponsours e partenaris. A caschung dalla conferenza da medias ò er la victoura olimpica da Paris, Chiara Leone, mess an vista la sia participaziun alla Festa da teir federala digl 2026 a Coira.



Els dus sa legran sen la festa da teir a Coira: la victoura digls gis olimpics Chiara Leone ed igl president digl comite d'organisaziun Martin Candinas.

Foto Gion Nutegn Stgier e MAD



Igl Center dallas festivitads vign ad esser la nova halla d'events. Chella n'è dantant betg anc biageida.

Diesch gedas iert d'aton

Madlaina Capeder/FMR

Scu tgi è da liger aint igl artetgel «igl tip» sen la davosa pagina da chesta ediziun, cunsegia igl redactour da lascher en po «disurden» ainten iert, per da tot las sorts animals. Oz diesch pledigns e pledungs rumantschs cun translaziun tudestga per sa-veir tge animals tgi cattan cutier e tge tgi vign cunsegia da lascher star.

La redacziun dalla FMR preschainta regular-maintg ainten la rubrica «Pledigns e pledungs» plets u dumondas linguistics rumantschas. Ena rubrica tgi duess animar da duvrar ed ampren-der igl lungatg rumantsch.

igl erizung
igl scarvatg
la schischeglia
igl mester-lorenz
igl avioul selvadi
la figlia setga
la roma
la dascha-pegn
la muschna
igl scanatsch

der Igel
 der Hirschkäfer
 die Blindschleiche
 die Hummel
 die Wildbiene
 das trockene Laub
 das Geäst
 das Tannenreis
 der Steinhauften
 das Holzschreit

PLEDIGNS & PLEDUNGS